



## Nivi Olsen

### **Meeqqanik atornerluineq unitsilli.**

Kommuneqarfik sermersuumiik takutittariaqarparput, meeqqanik atornerluineq unitsinneqarsinnaasoq. Meeraq eriangitigu.

Angajoqqaatut ilinniarfimmik pilersitsisa, tassani naartusut angajoqqaanngulersut tamarmik qaammarsarneqassapput qanoq meeraq pitsaanerpaamik illersorneqassanersoq. Angajoqqaajunerlu sunik imaqarnersoq



### **Socialimik pisartangaqartut, 8-16 "suleqqaarlutik" tunineqartalerlik.**

Kommunemi ileqqoq pisartangalinnut piusaqaatitaqanngittumik ikiorsiisarneq unitsilli. Inuk kialluunniit ullaakkut iterluni ullormut suliaasaqarnissaq pisariaqartippaa. Pisartangaqassangaanni arlaatigut tunniussaqaqqaarluni pisartangaqartoqassaaq. Qanorluunniit artorsartingingaluaaraanni inuk inorsinnagu nukittorsarneqassaaq, sulisartunngornissaata tungaanut.

### **Atuarfimmi ilinniartsitsisunut tapersersortit pilersitsigit.**

Nunatsinni ajornartorsiutigut amerlaqaat, meeqqatsinnilu tamanna ersertarpoq. Atuarfimmi ilinniartitsisut tapersersortinik piareersimasunik, ilinniartitsineq pitsaassusilimmik ingerlassappat, meeqqat ullormi eqqissiviittoqarnerani, ikiuuteraannaaneq pilersissuarput.

### **Isinginnaartsitsisartut meeqqanut sassarsinnaanermut ilinniartitsisutut.**

Isinginnaartitsisartut pikkorilluinnartut nunatsinni pingilernikuuagut, atorluartariaqarpagut, meeqqat sassarsinnaanermik meeraanermi sungiusarneqassapput. Isinginnaartitsisartut atorlugit meeqqatta sassarsinnaanerat imminullu tatiginerat qaffassassuarput.

### **Suliffeqarfiutilinnut atungassat pitsaasut.**

Ilmoorsinnaanngilaq nammineerlutik suliffeqarfimmik pilersitsinikut, aporfissaaqqanik kommunemiik tuniorarneqartarnerat. Kommunemi suliffeqarfiit pilersitassat namminersortut pilersissavaat, taamaattumik namminersortunut aqqutit oqilisaaffingisariaqarpagut ilaatigut ineriartortsitsinissaanut periarfissat piareeqqasut, soorlu toqqaviit sanaartorfingineqarsinnaasut siumungaaq piareeqqasut.

### **Perorsaariaaseq piumasaqaatalik/Ilaqutariit nukittuut.**

Kommuunitsinni toqqissimasumik inooqataarusuppugut tamatta, taava inooqataasut tamarmik sinaakkutinik ersarissunik malitassaqartariaqarput. Perorsaaneramik tamanna suliassaavoq. Inoqatinut ataqqinnineq, imminut tatingineq, isummanik annissisinnaaneq, naameersinnaaneq, sulerusussusilimmillu inummik pilersitsineq perorsaanermiippoq. Taamaattumik ataatsimoorluta perorsaariaaseq piumasaqaatalik ersarissorlu pilersissavarput. Meerallillu tamarmik meeqqerivimmik aallartittumik, tapersorneqartariaqarput namminiussusaat innarlernagu.



### **Utoqqaat atorfissaqartippagut.**

Utoqqartagut suliunnaarnikut tunniussassanik ulikkaarput. Inuunerminni misilittakkanik ulikkaarput. Atuarfinni meeqqarivinnilu aqqissuussaanagerusumik atortariaqarpagut. Aningaasarsilaassapput, tunniussaqaassapput, kinaanitsinnillu ataqqinninnermillu pilersitsinisatsinnut pinngittoorsinnaanngilagut.



### **Meeqqat atuarfianni meeqqat minnerit klasseni amerlassusaat killilerlugit 18-nut.**

Meeqqat minnerit pisariaqartitaat annetusaqaaq ingammik atualeqqaarnermi, atuarfillu pitsaasumik aallartissappat, klasse meeqqanik ulikkaarniinnartarnera unittariaqarpoq, tamanut pitsaanngilaq, ingammik meeqqat annerusumik pisariaqartitsisut taamak amerlatingitillugit.